

伴人黃多勿里湯根則尹汝弼伴人羅守良尹希仁伴人朴義同林
鵬伴人朴欣孫蔡世錄伴人金鶴孫曹繼商伴人李勿金南世
健伴入金哲同張籍伴人鄭銀石金益壽伴人元弼宗金傳于
慶伴人咸守元蔡世英伴人鄭鳳元繼蔡伴人宋繼上

政院曰宰相甚多奉傳旨推考史臣曰伴人之數昭在法典私
囑濫占列置郡邑以為同利之資守令等亦不顧國典曲事逢
迎以此良民悉歸私門軍額太半空虛勢莫支持雖有推考之
命旋則淹然不能振動為宰相以得免為自幸略不驚懼紀綱
日以陵夷弊習終不得革○夜有氣如火○已未平安道觀察
使閔齊仁狀啓曰今閏五月初四日湯站千戶金鎮賁到指揮
差批一道乃義州人郭莫孫等二名擅入湯站地方與唐人金保
金茂潛買物貨各犯正身差人押送事云傳于政院曰此是急
事速招三公禮曹堂上議其各辭○太白晝見日暈○庚申領
議政尹殷輔左議政洪彥弼右議政尹仁鏡禮曹判書金安國兵曹判
書李芭等議啓曰夾江冒住唐人自胡御史詳密指覈既嚴
勅湯站又諭我國兩加申禁之後唐人之縱恣冒耕似已革絕矣
然彼雖不冒耕夾江之地沿江不記數聯居之戶則猶舊也既與